

EFESUS

Khe Por Efesusin Ndi Khergi Gap

Khe fharav ganinga buni khare.

Kha gava niinge khan muungi, Fhe Bakime za kha bigir Krais farve khingir za mbui. Ana kha Hevenan ki bigi, ana zam ntan ana farve ga suv, vhira kha nuianan ki bigi, ana vhira ntan ana farve khingirga. Ana ntan Krais farve khingirga, Krais, ana za mba bigi gari guman pan kirga (1.10). Fhe Bakime kha gumgi gu mbigi khavirga, mbe guigira anan gumgi gu mbigi kiv, mbe guigira Krais phorgip havhargip, ndava bavira kirga.

Kha gavar, Por fharav ana buni vhirvera mba Fhe Bakime fhura kha gumgi gu mbigi kora mbui kora muumbara bun mbe nzuai. Fhe Bakime mba Krais kothigi gumgi gu mbigi, ana mbe muungim, mbe wari tigap ki. Ana Krais Zisas muungi naarar panan, ana taagia mba gumgi gu mbigi ndigi. Ana mbe ndigap, ana won Nina Naarar mbe niingi. Mbe ana ntiri ma. Ana tivir vhuuin mben muunga, ana fhum maan mben muun za suangi ngirkamen ki. Ana mba ngirkamen zin vugi (1.14). Kha gavar, kha kamenra ndegi kamen, Por khan mba guigira Zisas kothigap guigira ana phorgi gumgi gu mbigi, mbe guigira wari tigip ndava bavira kiv, mbe Fhe Bakimera tivi zin ngiri.

Kha gavar, Por vhunaa ga si bunin mbe nzuai. Ana khuen mbe khivirga, mbe tuituigip ne kangir zav, mbe Krais phorgi, mbe wari heegi fhu, mbe

za wari tigip kirga. Ana khañ mbe nzuai, nde Fhe Bakimen gumgi gu mbigi, nde wari tigap guma bavira ki fara muungim, Krai, ana nden pan ma. (4.1-16) Khueñ vhira, nde Fhe Bakimen gumgi gu mbigi, nde phena fara muungim, Krai ana mba phena rigirkuaan fara muungi. (2.19-22) Khueñ vhira, Fhe Bakimen gumgi gu mbigi, mbe mbiga fara muungim, Krai, ana mba mbigar man ma. (5.22-32) Nza kha gavar, nza guigira, Fhe Bakime kha gumgi gum mbigir muunga bigir vhuuñ ganinga.

Nza Kraisan panan Fhe Bakime fhura bigir vhuuñ vhirver nza niñgi.

¹ Gu Por, gu Krai Zisas farasarigi ñaara guma ma. Ana vuzvugara Fhe Bakime nan farasarigim, gu ana ñaara guma ki. Gu kha gava khergiap, nde Fhe Bakimen gumgi gu mbigi, nde Efesus ñgu bakimen kav, guigira Krai Zisas phorga havhargiap, zazera ana zin vui. Gu kha gavar nde ndi mbai. ² Nza Ndia Fhe Bakime, gum nza Bakime Zisas Krai, mani nden korar muunv, ndava miitigar nden niñrim, nde kiri.

Nza Kraisan panan Fhe Bakime za Hevenan ki bigir vhuuñ nza ndii.

³ Nza Fhe Bakime zi ndiv vun kuamkuarga, ana Fhe Bakime ma! Ana vhira nza Bakime Zisas Kraisan Ndia ma. Nza guigira Krai phorga havhargim, ana Kraisan panan, ana nzan ntuun

kurkurar zav, ana za Hevenan ki bigir vhuuinja nza ndii. ⁴ Fhe Bakime zumgum kha nuiana muungi. Ana fhumra nzan Krai phorgi kir zav nzan fararav nzan wora mbuigi, nza ngaravra kirga. Nza tivir vhuuina mbui gumgi gu mbigi kiv, nza ana niman bigin thuen suanj simtik kirga fhu. ⁵ Ana fhum guarara wo ndavar nza niingiap, kha ndikndiga mbui. Zisas Krai muungirga njarar panan, ana taagip nza ndigip, nzan wo kaman farga, nza anan tari kirga. Ana vuzvugara Fhe Bakime maanj muungi. ⁶ Ana mba guigira vuzvugi Kama panan, ana guigira fhura kora muumbara bakimen nza muungi. Maanj muungiap, ana mba nzan kora muungi kora muumbara bakime ndikndigip, nza guigira Fhe Bakime zi ndiv vun kuamkuarga.

⁷ Fhe Bakimen kora muumbar, ana guigira kivgi. Krai nza bikbigir zav, ana nza nzuav rimgi. Ana rimgim, ana vizin nza muungi tivi mbatigi vhizi zav sia suagim, Fhe Bakime ana vizina panan nza muungi tivi mbatigi, ana nta vhezgiap, nta ndikndik nangi. ⁸ Fhe Bakime, za kha bigi kanji. Ana vhira guigira ndikndigi vhuuinja kav, ana kha bigir guigira nzan kurkurav nza muungi. ⁹ Fhe Bakime, ana fhum guarara, ana mba Krai muungi njaara panan muunga bigen, ana ne ndirigi. Ana fhum ne ndirigim, mba ndikndik fhum zorga kav kav, ana ntigem, wo vuzvugara mba ndikndigar

1:4 Zo 15.16; 17.24; Ro 8.28; Ef 5.27; Kor 1.22; 2 Te 2.13; 2 T 1.9; Ze 2.5; 1 Pi 2.20 **1:5** Zo 1.12; Ro 8.29-30; 2 Ko 6.18; Ga 4.5 **1:6** Mt 3.17; Zo 3.35; Ro 3.24; 5.15; Kor 1.13 **1:7** FG 20.28; Ef 2.7; Kor 1.14; 1.20; Hi 9.12; 1 Pi 1.18-19 **1:9** Ro 16.25; Ef 3.4; 3.9-11; Kor 1.26; 2 T 1.9

nza khivigi. ¹⁰ Ana mba muun za mbui bigen khan muunji. Ana za kha bigi shiman suigirim, nta ngip, kiv, ana mba sarigi tugara, ana mba bigi, ana za nta fugip, nta ndi Krai farve khingirga. Ana kha Heven gum nuianan ki bigi, ana zam nta ndim ana farve khingirga. Krai za mba bigir pan kirga.

¹¹ Fhe Bakime, ana wo vuzvuk gum won ndikndiga zin vuav za kha bigi ga mbuim, nta hi. Ana wo vuzvugara, ana fhum guarara, ana nza Zudain, ana nza farasegim, nza Krai phorgip, nza guigira Fhe Bakimen gumgi gu mbigi guari kirga.

¹² Nza Zudain, nza fharav Krai kothigap, anan rarga ki ntiri ma. Nza maan mbuim, Fhe Bakime nzan farasegi, nza zazera ana tivir vhuuin gum ana nkasnka bakime ndikndigip, ana zi ndiv vun kuamkuarga.

¹³ Nde mba harigi fhain ngui gumgi gu mbigi, nde vhira mba buna guaren mbararagi. Mba buna guaren, ne buna vhuuen ma. Mba buna vhuuen panan, Fhe Bakime taagiap nde ndigi. Nde vhira Krai kothigap, ana nde ndigi, ana phorgim, Fhe Bakime, ana fhum wo suangi kamen zin vov, ana won Nina Naarar nde ningiap, anan panan, nden wora mbuigim, nde ana gumgi gu mbigi ma. ¹⁴ Nza Fhe Bakimen Nina Naara ndigi, maan muungiap nza kanji, nza zumgum, Fhe Bakime won gumgi gu mbigir nin zav suangi bigir vhuuin, nza vhira nta ndigirga. Nza mba bigi ndir zav Fhe Bakimen rargi, ana taagi nza ndigirim, nza

1:10 1 Ko 3.22-23; Ga 4.4; Fi 2.9-10; Kor 1.16; 1.20; Hi 1.2; 1 Pi 1.20

1:11 Ro 8.17; 8.28-29; Kor 1.12; Ta 3.7; Ze 2.5; 1 Pi 1.4 **1:13** 2 Ko 1.22; 6.7; Ef 4.30; Kor 1.4-6 **1:14** Ru 21.28; Ro 8.23; 2 Ko 1.22; 1 Pi 2.9

bikbiiḡip, nza ana ntiiiri ma. Nza ana phorgi kiiv, ana mba ḡkasḡka bakime ki ḡaari bakivi ana nta muḡḡi. Nza nta ndikndiḡip, ana zi bakime ndiv vun kuamkuarga.

Por Fhe Bakime ndikndiḡi vhuuin Efesusiḡ niiin zav mbe nzuav Fhe Bakime phorga nzuai.

¹⁵ Gu nde mbararagim, nde guigira Guma Bakime Zisas kothigap, nde guigira wari won ndavir za Fhe Bakimen gumgi gu mbigi ga ndiii. ¹⁶ Gu ne nzuav, gu zazera Fhe Bakime phorga nzuav, gu zazera nde ndikndiḡap, nde nzuav Fhe Bakime nzuav ana ndikndiḡi. ¹⁷ Gu nza wo Bakime Zisas Kraisan Fhe Bakime phorga nzuai, ana guigira vhava ḡaar bakime gum ḡkasḡka bakime ki Ndia ma. Gu khueḡ nzuav ana phorga nzuav, ana nzai. Ana won Njina Naarar nden niḡḡirim, ana ndikndiḡi vhuuin nden niḡḡirim, nde guigira Fhe Bakime kaḡḡip, nde vhiira tuituigip ana kaḡḡirga. ¹⁸ Gu khueḡ vuzvugi, ana nden ndikndiḡi ntararim, ana mba ndir zav nden kamgi, nde tuituigip nta kaḡḡirga. Nde mba bigi ndir zav ntan rarga ki. Maan muḡḡirga, nde mba bigir vhuuin guarira, nde nta kaḡḡirga. Mba bigi, Fhe Bakime nzan ana gumgi gu mbigi, ana nzan mbuigi bigi ma. ¹⁹ Maan muḡḡip, nde vhiira kaḡḡirga, Fhe Bakimen ḡkasḡka bakime zazera nza ana kothigi gumgi gu mbigi, ana zazera nzan kurkurigi. Ana guigira ḡkasḡka baki guar ma. Mba Fhe Bakimen ḡkasḡka bakime, ana nza phorga ḡgari. ²⁰ Mba

1:15 Kor 1.4 **1:16** Fi 1.3-4; Kor 1.3; 1 Te 1.2 **1:17** Kor 1.9

1:18 FG 26.18; Ef 2.12; 4.4; Kor 1.12 **1:19** Ef 3.7; Kor 1.11; 1.29; 2.12 **1:20** Sng 110.1; 2 Ko 13.4; Kor 1.16; 2.10-12; 3.1; Hi 1.3

ηkasηkara fhum Krais phorga ηgargi. Krais fhum rimgim, Fhe Bakime mba ηkasηka bakimera taagia ana khavgiap, ana ndigap Hevenan ndagim, ana anan han, anan guva haren ga perigi. ²¹ Maan muungiap, Krais, ana za mba ηkasηka ki ηiningi, ana za nta kharav vu guarara ki. Ana vhira za mba gumgir pani kharav, mba ηkasηka ki bigi, ana vhira mbe kharigi. Ana ntigem kha tugen ziri ki gumgi, ana mbe kharav, ana mba zungum ziri kirga gumgi, ana vhira mbe kharigi. ²² Fhe Bakime za kha bigir Krais farve khingim, nta zam ana piin ki. Ana ana muungim, ana za kha bigi gari guman pan ki. Ana sios ganin zav mba tivar ana muungim, ana maan muungiap ki. ²³ Sios vhen ki gumgi gu mbigi, mbe Kraisan khariga fara muungi. Krais, ana mba kharigar pan ma. Nza siosan vhen ki gumgi gu mbigi, nza bevbevira ana kharigar figi ma. Krais gum, ana ηkasηka gum, ana muun za mbui tivi, nta siosan ki, nta za tugiratigi. Krais, mba Heven gu nuianan ki bigi, ana za nta mbuim, nta vhira za tugiratigi.

2

Fhe Bakime nza vhezgi gumgi, ana nza muungim, nza Krais phorgap zazera mbara muungiap ki biηbiη ndigi.

¹ Nde fhum, nde Fhe Bakime vuzvugi tivi daa-suav, tivi mbatigi ga mbuim, nta nde shogim,

1:21 Ro 8.38; Fi 2.9-10; Kor 2.10; 2.15; Hi 1.4 **1:22** Sng 8.6; Mt 28.18; Kor 1.18; Hi 2.7 **1:22** Kor 1.18 **1:23** Ro 12.5; Ef 4.10; 4.15; Kor 2.9; 3.11 **2:1** Ef 4.18; Kor 1.21 **2:1** Kor 2.13

nde vhi:zi gi gumgi fara muun:giap ki. ² Nde mba tugivigen, nde kha nuianan tivi mbatigi, nde nta zin vuav, wari rui. Nde kha buivar ki niningi mbatigi gari guman pan, nde ana tivi zin vegi. Mba njina mbatik, ana njkasnjka ntigem Fhe Bakime buni daasui gumgi gu mbigi ndavi vheri gari. ³ Nza fhum, nza zam mba gumgi phorga kav, nza wari won ndavi vuri tivi zin vov, nza wari wo vuzvugi mbatigi, nza ntara zin vui. Nza maan muun:giap kav, nza mba khesharigi tivi ga mbui gumgi gu mbigi, Fhe Bakime nza nzuav guigira ndav shigap nza nzuav vheza bevahegim, ana mbur ki. Nza ana ndige.

⁴⁻⁵ Khuenj guigira, nza mbui tivi mbatigi nza shogim, nza vhi:zi gi. Nza za vhi:zi gi gumgi fara muun:giap wari ki. Nza maan muun:giap, Fhe Bakimen kora muumbar, ana guigira kivgi. Ana guigira won ndavar nza nningi. Ana maan muun:giap, nza muun:giap, nza Krai phorgap taagia khavgi fara muun:giap wari kav, nza tivir njkaa zin vui. Ahanj, Fhe Bakimen kora muumbarara, ana taagia nza ndigi. ⁶ Ana Krai rimgim, ana taagia ana khavi fara muun:giap, ana vhira nza khavgi. Ana nza khavgiap, nza muun:giap, nza vhira Krai phorgap, Hevenan ngui vhirve gari guman pan pigi mpirmpiriga piigi. ⁷ Ana Krai Zisas muun:gi njaarar panan, ana mba tivar vhuun nza mbui. Ana khanj muun:gi ne nzuav, ana guigira won kora muumbara bakimen za kha gumgi khiviv njip,

2:2 Zo 12.31; Ef 5.6; 6.12; Kor 1.21; 3.6-7; Ta 3.3 **2:3** Ro 5.12; Ga 5.16; Kor 3.6; Ta 3.3; 1 Pi 4.3 **2:4-5** Ru 15.24; 15.32; FG 15.11; Ro 5.6-10; 6.4-5; 6.13; 10.12; Ef 1.7; 2.1; 2.7; Kor 2.12-13 **2:6** Ef 1.20; Kor 2.12 **2:7** Ef 1.7

zumtugum, ana vħira mbe khivirga. ⁸ Nde ne nzuav guigira Krai khotigim, Fhe Bakime won kora muumbarara, ana taagia nde ndigi. Khe nde nduarira muunġi bigeġ fhuvara. Zakira fhuvara! Fhe Bakime fhura mba bigen nde nñġi. ⁹ Khe nde ġaara the muunġim, ana nen vhezar nde nñġi fhuvara. Nde ne suanv nde guma the nduara wo zı ndiv vun kuamkua thari. ¹⁰ Fhe Bakime Krai Zيسان panan, ana nza muunġim, nza won ndava vura tivı vħizgiap, nza tivir ġkaa zin vui ġumgi ġu mbigi ki. Nza ntigem mba Fhe Bakime fhum nza nzuav, mba tivir vhuuġ zin vui tuav, ana ana bevaheġim, ana ki. Nza ntigem mba tuavar ġġirga.

Panan wari ġa ki tiv, Krai mba tıva vħizġim, phına phunini, mani ntigem wani tiġap phına bavira ki.

¹¹ Nde harigi fhain ġui ġumgi, nde kanġi, mbe Zudaġ, mbe warir fooi. Mbe warir foov, kha suambarar nde mbui, “Nde fooi fhuv ġumgi ma.” Kha kameġ, ne mbe ġumgi nduarira wari won fhavi ġa mbui bigeġ, mbe ne nzuai. Nde tuituġip khueġ ndikndiġiri, nde fhum, nde harigi fhain ġui ġumgi keġi. ¹² Nde mba tugen, nde Krai thav samra ki. Nde Isreriġ bına thav kırar ki. Fhe Bakime mba kameġ Isreriġ ġa suanġi, nde mbe thav kırar ki ntıiri ma. Nde kha nuianan kav, nde bigına vhuuġ the zumġum ġır za mbuim, nde ana rarga ki fhuvara. Nde vħira Fhe Bakime

2:8 Zo 4.10; Ro 4.16; 10.14-17; Fi 1.29; 2 T 1.9; Hi 6.4 **2:9** Ro 3.20; 3.27; 4.2; 1 Ko 1.29-31; 2 T 1.9 **2:10** 1 Ko 3.9; 2 Ko 5.5; 5.17; Ef 4.24; Ta 2.14 **2:11** Ro 2.28-29; 1 Ko 12.2; Ef 5.8; Kor 1.21 **2:12** Ro 9.4; 9.8; Ga 4.8; Ef 4.18; Kor 1.21; 1 Te 4.5; 4.13

kanji fhuvara. ¹³ Nde fhum Fhe Bakime thav shama guarara kegi. Krai nde nzuav wo vizina siasuagi. Nde ntigem Krai vizin nde ndiga zim, nde Krai Zisas phorgap nde guigira Fhe Bakime hara ki. ¹⁴ Krai nduara nza mbuim, nza ndavi mbirav, tuituigiap wari tigap ki. Fhum Zudain, mbe panan harigi fhainj ngui gumgi ga kegi. Mbe maanj mbuim, mba tiv bina fara muungiap, mbe Zudain, ana mbe thugim, mbe khar ki, mbu harigi fhainj ngui, mbe mbur ki. Krai, ana won fhavara, ana mba bina kargiap, mba panan wari ga kegi tiv, ana ana vhezgiap, ana mba phina phuni, ana mani ga muungim, mani phina bavira ki. ¹⁵ Ana Moses suangi tivi, ana nta vhezgiap, nta buni gum nta tivi, ana vhora nta vhezgi. Ana maanj muungirga, ana mba phina phuni, ana mani fugip, mani ndi wani tikhingirga, mani harigi khesharigi Zيسان phina kama bavira kirga. Ana mba tivar muungirga, nza wari tigip ndava bavira kirga. ¹⁶ Ana khanararenj ga ntorgap ringiap, mba fhum panan wari ga kegi tiv, ana ana shogim, ana vhezgi. Ana mba phina phuni, ana mani fugirim, mani wani tigip phina bavira kim, mani Zisas phorgap khariga bavira fara muungiap ki. Ana mani ndigap, Fhe Bakime han zi. ¹⁷ Ana zav, buna vhuuenj bun nzuav khanj nzuai, “Nde harigi fhainj ngui ntiri, nde Fhe Bakime thav samra ki ntiri. Nde Zudain, nde Fhe Bakime hara ki. Nde ntigem wari

2:13 Ga 3.28; Ef 2.17; Kor 1.20 **2:14** Ais 9.6; Mai 5.5; Zo 16.33; FG 10.36; 1 Ko 12.13; Kor 1.20; 2.14 **2:15** 2 Ko 5.17; Ga 6.15; Ef 4.24; Kor 1.20-22; 2.14; 2.20 **2:16** Sek 9.10; Ro 6.6; 8.3; Kor 1.20; 2.14 **2:17** Ais 57.19; Sek 9.10; FG 2.39; Ro 5.1

tigap ndava bavira kiri.” ¹⁸ Nza wari tigap ndava bavira ki, ne khaŋ muuŋgi. Nza Kraisan, nza phina phuninin ki ntiri, nza wari tigap, Fhe Bakime Njina Njaarara nza nzuav tuav fhigim, nza won Ndia han vui.

Nza guigira Zisas kothigi gumgi gu mbigi, nza Fhe Bakimen phena guar ma.

¹⁹ Nde ntigera kaŋgi, nde ntigem vhunaa fara muuŋgiap, nuiana sosuagiap fhura tuigap ki fhuvara. Zakira fhuvara! Nde ntigem Fhe Bakimen gumgi gu mbigi phorgap, nde tuga bavira ki. Nde ntigem guigira Fhe Bakime ntiri ki. ²⁰ Nde Fhe Bakime muuŋgi phena fara muuŋgiap ki. Nza Zisas farasegi njaara gumgi gum Fhe Bakime kamthoon gumgi, ana nza ndi fegim, nza mba phenan kinivige fara muuŋgiap wari ki. Krai Zisas, ana guigira mba phena rigirkuaan khangi kuaŋ guar ma. ²¹ Mba phena khek Krai ana phufurigim, mba phena feiŋ gu bigi za zav anan kuamkuagiap, nta wari tigap nzerara ki. Fhe Bakime ntigar mba phena mbuim, mba phen ntigar kivav vui. Mba phen, ana Fhe Bakime phenara. ²² Nde vhira Krai phorgim, Fhe Bakime nden mba won gumgi gu mbigi phorgim, nde Fhe Bakimen phena guar ma. Ana won Njina Njaarar panan mba phenan kirga.

3

Por njaar ki, ana Fhe Bakimen buna vhuueŋ bun

2:18 Ro 5.2; 1 Ko 12.13; Ef 3.12; Hi 4.16; 1 Pi 3.18 **2:19** Ga 6.10; Ef 3.6; Fi 3.20; Hi 12.22-23 **2:20** Mt 16.18; 1 Ko 3.9-11; Ga 2.9; VB 21.14 **2:21** 1 Ko 3.16-17; 2 Ko 6.16; Ef 4.15-16; Kor 2.19 **2:22** 1 Pi 2.5

harigi fhain ηgui gumgi gu mbigi ga suanga.

¹ Fhe Bakime tivar vhuun nde muunji. Gu Por, gu mba bigina niēnra nzuav, gu binan ki. Gu binan ki, ne khan muunji, gu Krai Zيسان ηaara mbuav, gu nde harigi fhain ηgui gumgi gu mbigi, gu nden kurkurigi nera nzuav, gu binan ki. ² Gu khuen ndikndigi, nde khuen mbararagi thi? Fhe Bakime nan kora muunjiap, kha ηaarar muun zav na farasarigi. Ana vhira nde kora muunjim, gu nde nzuav mba ηaara muunji. ³ Fhe Bakime mba fhum muun za suangi bigen, ne zorga ki. Ana nduara ne bun na suanjim, gu mba buni mbarire kherav nde suangi. ⁴ Nde maan muunjiap, gu kha khergi buni ganiv, nde khan muunjiap kanjirga, gu mba Krai muunga ηaara nzuai zorga ki kamen, gu guigira ne kanji. ⁵ Fhum tugen, mbe Fhe Bakime mba zorga ki buna vhuuen vhagia ki. Ana ne bun mbe suangi fhuvara. Ana ntigem won Nina Naar panan, ana mba vhagi buna guaren, ana nen nza Zisas farasarigi ηaara gumgi gum anan kamthoon gumgi, ana mba ηaarar muun zav, nzan farasegap, nza khivigi. ⁶ Mba vhagia ki buna vhuuen khan muunji. Mba harigi fhain ηgui gumgi, mbe vhira Fhe Bakime Zudain nin za mbui bigi, mbe vhira nta ndigirga. Mba harigi fhain ηgui gumgi, mbe ntigem Zudain guari phorgip, mbe wari tigira kirga. Mbe wari tigip kiv, mbe wari tigip Fhe Bakime mba Kraisan muun zav suangi bigi, mbe mba bigi ndigirga. Ne khan muunji, mbe Zisas Kraisan buna vhuuen panan, mbe wari

3:1 Ef 4.1; Fi 1.7; 1.13; Fm 1.1; 1.9 **3:2** Kor 1.25 **3:3** Ef 1.9-10; Kor 1.26 **3:4** Kor 1.26-27 **3:6** Ga 3.14; 3.28-29; Ef 2.13-19

tigip mba njaara vhen kirga. ⁷ Fhe Bakime na kora muunjiap ana won njaknjaka bakimen panan, ana fhura harigi khesharigi biginan na niingim, gu ana buna vhuuej bun nzuai njaara guma ki. ⁸ Gu fhum guigira guma mbatik ma. Gu guigira za mba Fhe Bakimen gumgi gu mbigi piin ki. Ana fhura nan kora muunjiap, mba njaarak na niingi. Mba njaarak khare, ana Zisas Kraisan buna vhuuej bun harigi fhainj ngui gumgi gu mbigi ga suan zav, mba njaarak na niingi. Mba buna vhuuej, ne Kraisan nza nzuav mbui bigir vhuuinj vhirvera bun nzuai. Nza gumgi, nza mba bigi ganiv, za ntan ruemgirga tuktiigi fhuvara. ⁹ Fhe Bakime fhum za mba bigi ga muunjiap, ana fharav wo vuzvugar muunga bigi, ana nta vhagiap ki. Ana kav kav, ana ntigem mba vhagia ki ndikndigi, ana nta bun suan zav nan farasarigi. ¹⁰ Ana fhum mba bigi vhagiap, kegap, ntigem ana won siosan panan higanj, ana ntigem won mbarkirga ndikndigir vhuuinj, ana nta ndiv hianj tigi. Ana ntigem wo ndikndigi vhuuinj guarira, ana nta ndi hianj tigim, Hevenan enseri mbe buiva gari njaknjakigi ki, mbe vhira Fhe Bakimen ndikndigi kanjirga. ¹¹ Fhe Bakime fhum guarara mba bigir muungenj ndikndigiap, ana ntigem, nza Bakime Kraisan Zيسان panan, ana mba bigi ga muunjim, nta higanj. ¹² Nza guigira Kraisan khotiganj, nza vhira ana phorga havhagiap, nza maanj muunjiap Fhe Bakime niman njirgip, nza ana phorgi suanga,

3:7 Kor 1.23-25 **3:8** 1 Ko 15.9-10; Ga 1.16; Ef 1.7; Kor 1.27; 1 T 1.13-15 **3:9** Ro 16.25; 1 Ko 2.7; Ef 1.9; Kor 1.16; 1.20; Hi 1.2 **3:10** Ro 8.38; 11.33; Ef 1.21; 1 Pi 1.12 **3:12** Zo 14.6; Ro 5.2; Ef 2.18; Hi 4.16

ana nza mbarararga. ¹³ Maan muunjiap, gu ntige guigira nde nzuai. Gu nden kurkurav ndi simtigi, nde ndikndigi vhirver ntan muunv, guigira Zisas kothigi ndikndik kuemkuegi thari. Nde kha hi bigi, nde ntan ndikndigiri. Ne kha muunji, mba bigi nden kurarim, nde nzerara Fhe Bakime phorgip kirga.

Por Efesusin havhargip kir zav, mbe nzuav Fhe Bakime phorga nzuai.

¹⁴ Gu Fhe Bakime muunji bigi ga nzuav, ana niman thipanani phirav, ana niman fi. ¹⁵ Ana Heven gu nuianan ki ntiri, ana za mben Ndia ma. Ana nduara za mbe muunjiap zirir za mbe niingi. ¹⁶ Gu thipanani phirgiap nde nzuav Fhe Bakime phorga nzuav anan nzav kha nzuai, “Dara, ndu mbarkirga bigir vhuun guarira ki. Ndu maan muunji, won Nina Naara si mbe suarim, anan nkasnka guigira mbe phorgi kirim, mbe ndavi havhargip wari kirga. ¹⁷ Ana nden kirim, nde guigira Zisas kothigirim, Zisas zazera guigira nden ndikndigi ganiv, nde ndavi vherir kiri. Nde maan muunv, guigira wari won ndavir harigi ntiri ga ndii tiv havhargip, nde ndavi vherir kiv, nde havhargirim, nde kha nuiana thigim, nuian ana suirav, ana havhargim, ana thiga havhargi farar muunji. ¹⁸⁻¹⁹ Nde maan muunji, nde za Fhe Bakimen gumgi gu mbigi phorgip nkasnka ndiv, nde guigira Krai won ndavar nde ndii tiva kangirga. Mba tiv, ana guigira kivgiap, guigira

3:13 Kor 1.24 **3:15** Ef 1.10; Fi 2.9-11 **3:16** Ro 9.23; 2 Ko 4.16; Fi 4.19; Kor 1.11; 1.27 **3:17** Zo 14.23; Ef 2.22; Kor 1.23; 2.7
3:18-19 Zo 1.16; Ro 10.3; 10.11-12; Ef 1.18; 1.23; Kor 2.2; 2.9-10

mpeengiap, guigira vun mbar ndav, guigira n̄in mbar vergi. Ahan̄, Kraiṣ, ana guigira wo ndavar za kha gumgi gu mbigi ga nd̄ii tiv, ana guigira za mba nd̄iknd̄igi kambarigi. Nde v̄hira tuituigira ana kaṅgiri. Fhe Bakime v̄hira tivir v̄huuṅ guigira anan givigi, mba tivi v̄hira nde givarga.”

²⁰ Fhe Bakimen ṅkasṅka, ana nduara nzan ndavi vherir ṅgari. Mba ṅkasṅka guigira za nzan nd̄iknd̄igi kambarigi. Nza muun zav Fhe Bakimen nzai bigi, ana ṅkasṅka guigira za mba bigi kambarigi. ²¹ Maan̄ muuṅgiap, sios vhen ki gumgi gu mbigi, mbe guigira Kraiṣ Zis̄as phorgip, mbe zazera Fhe Bakime z̄i ndiv vun kuamkuav, mbara muuṅgip kiv, zumgum nzan nz̄igi gu tori mbe mbara muuṅv kirga. Nai guigi guarara.

Krais nzan vhen kim, nza Fhe Bakimen tivira zin ṅirga.

4

Nza guigira Kraiṣ k̄hoth̄igi gumgi gu mbigi, Kraiṣ nzan vhen ki. Nza Kraiṣan kar̄iga fara muuṅgi.

¹ Gu Por, gu phena tivanen ki. Ne khaṅ muuṅgi, gu Guma Bakimen ṅaara mbui. Fhe Bakime guigira wo zin ṅgir zav nden kamgim, nde guigira anan gumgi gu mbigi ki ne nzuav, gu nde nd̄iknd̄igi khavi. Nde ana vuzvugi tivi, nde guigira nta zin ṅgiri. ² Nde wari tiḡap guigira Zis̄as k̄hoth̄igi gumgi, nde khaṅ muuṅgi nd̄iknd̄igiri. Nde za wari

3:20 Ro 16.25; 1 Ko 2.9; Kor 1.29 **3:21** Ro 11.36; 16.27; Hi 13.21

4:1 Ef 3.1; Fi 1.27; Kor 1.10; 1 Te 2.12; Fm 1.1; 1.9 **4:2** FG 20.19; Ga 5.22-23; Kor 3.12-13

tigip tuga bavira kiv, nde za mbarara wari tigip kiri. Mbe pham bigin thuen nden muungirim, nde vhemkora mbe suany ndav shi thari. Nde bevbevira, guigira wari won ndavir mben ningip, mbe nde ndii simtigi, nde nta ndiri. ³Fhe Bakimen Njina Njaar, ana ndava bavira ki tivar nza ndii. Maan muungiap, nde ndavi mbarav, nde khañ tigip, mba tiva suirav havhargiri. Mba tiv ana mpiin fara muungiap nza kekim, nza wari tigap ki. ⁴Nza guigira Zisas kothigi gumgi, nza wari tigap khariga bavira ki fara muungi. Njina Njaar bavira vhira nzan vherir kiri. Fhe Bakime bigina bavira rargi kir zav nden kamgi. ⁵Guma Baki bavira ki, bigi kothigi tiva bavira ki. Nza Fhe Bakime bavira zin panan ruai. ⁶Fhe Baki bavira ki, ana za nzan Ndia ma. Ana za kha gumgi gu mbigi kharav vu guarara kav, mbe gari. Ana vhira za won gumgi gu mbigi phorga ngari. Ana vhira za wo gumgi gu mbigir vherir ki.

⁷Krais nza bevbevira, ana fhura nza kora muungiap, ana fhura bigina baki guarara nza ningi. Ana mba fhura nza ndii bigin, ana nzan kurkurav, won jaarar muun zav anan nza ningi. Krais mba bigina bakimen nza khivigi, ana fhura nza ningi tiv, ana guigira kivgi. ⁸Fhe Bakimen buni vhuuñ ki gap khañ nzuai,

“Ana vu guarara ndagi. Ana fharav guigira won pana gumgi gu mbigi mbevi ñkasñkar

4:3 Kor 3.14-15 **4:4** Ro 12.5; 1 Ko 12.4; 12.11-12; Ef 1.18; 2.16-18
4:5 Zo 10.16; 1 Ko 1.13; 2 Ko 11.4; Ga 3.27-28; Hi 6.6 **4:6** Ro 11.36; 1 Ko 12.6 **4:7** Ro 12.3; 12.6; 1 Ko 12.11 **4:8** Sng 68.18; Kor 2.15

farfagim, mbe bikbigim, ana za kha bigi kharav, vu guarara ndagi.
 Ana maan muungiap fhura ndikndigi vhuuin gum nkasnkagir gumgi mbari ga niingi.”

⁹ Mba khan nzuai kamen, “Ana Hevenan ndagi”, mba kamen khuen nza khivigim, nza kangi, Krai, ana fharav Hevenan kegap, kha nuianana zerav, za kha nuianan vhen khina guarara vergi. ^a
¹⁰ Kha guma, Krai, ana fharav nuiana vhen khina guarara vergap, ana zumgum vun ndagi. Ana guigira vun ndav, vu guarara ndagi. Ana ndav, ana za mba bigi ana za nta tugara tigap, nta garim, nta ana piin ki. ¹¹ Ana nduara fhura kha khesharigi ndikndigi vhuuin ndi ndii. Ana gumgi mbari, ana won naarar muun zav mben farasegi. Ana mbari, ana Fhe Bakimen kamthoon gumgi kirga, naara mbe niingi. Mbari, ana won buna vhuuen bun gumgi gu mbigi ga suanga naarar mbe niingi. Ana mbari, ana won naara gumgi kiv guigira Zisas kothigi gumgi gu mbigi kurkurav, Fhe Bakime vuzvugi tivir mbe khivirga. ¹² Krai nza Fhe Bakimen gumgi gu mbigi, ana nzan kurkurar zav fhura mba ndikndigi vhuuin mbe niingi. Mbe nzan kurkurarga, nza maan muungip ana naarar vhuun muunga. Mbe mba naarar muunga, nza guigira Krai kothigi gumgi gu mbigi, nza khan tigip havhargip guma kharik nkasnkagiap, vhuuv, nzerara ki farar muungip kirga. ¹³ Kha naar,

4:9 Zo 3.13 **a** **4:9** Bigi kangi gumgi mbari kha kamen dorga khan nzuai, “Ana fharav za kha nuianan zergi.” **4:10** Hi 4.14; 9.24 **4:11** Ro 12.7; 1 Ko 12.28; 2 T 4.5 **4:12** 1 Ko 12.7; Ef 1.23; 2 T 3.17 **4:13** 1 Ko 14.20; Kor 1.28; 2.2

ana mbara muungip ngip kirim, nza zam guigira ndava bavira wari phorgip Zisas kothiviv, nza zam guigira Fhe Bakimen Kama kangirga. Nza maan muungip, guma ruma farar muungip, nza guigira Zisas kothigap, ana zin vui tivi, nta Zisas tivira fara muungirga. ¹⁴ Nza wom tarire ki farar muungip kirga fhu. Nza kiv, mba raan shav bigi guiguigi gumgi, mbe guigira guiguigi kanji. Mbe guiguigi buni fhura binbin gum mbasik phuri kema si fara muungi, mba kem, ana fhura tamtam vui. Ana wo vui nanen vui fhuvara. Nza mba fara muunga fhu. ¹⁵ Nza khuarir mba ksharigi bunin rigirga fhu. Zakira fhuvara! Nza guigira wari won ndavir wari ga ndii tivi zin ngiv, vhira khan tigip buni guari bun suanga. Nza maan muunga, nza havhargiap ki gumgi gu mbigi kiv, nza guigira Krai phorgirga, ana nzan pan ma. ¹⁶ Ana suira gu hari, anan rimgi, ana nta garim, nta bevbevira ana ningi naari, nta nta mbui. Ana vhira thivi nkiriin gum hari gu bigi ga mbuim, nta tuituigiap wari suigiap, guigira ndavir wari ga ndiv, nkasnkagiap vhuui. Nza mba tiva mbuav, nzan fhavi nkasnkagiap vhuui.

Guigira Krai kothigi gumgi gu mbigi, mbe Krai tiva zin ngiri.

¹⁷ Maan muungiap, gu buna muen nde suan za mbui. Gu Guma Bakime zin panan, gu kama havharar khan nde nzuai, nde wom harigi ngui gumgi gu mbigi tiva zin ngi thari. Mbe ndikndigi,

4:14 Ais 28.9; 1 Ko 14.20; 2 Ko 2.17; Hi 13.9 **4:15** Ef 1.22; 4.25; Kor 1.18; 1 Zo 3.18 **4:16** Kor 2.19 **4:17** Ro 1.21; 1 Pi 1.14

nta fhura ki ndikndigi ma. ¹⁸ Mbe ndikndigi gingingi. Mbe bigin the kanji fhuvara, mben pani havhargim, mbe Fhe Bakimen kiri tivi thav, kirar ki. ¹⁹ Mbe wari wo mbui tivi, mbe ntan mberi fhu. Mbe guigira tivi mbatigi vhen vergap, mbe mbarkirga tivi mbatigi guarira muun zav thagi ne mbui.

²⁰⁻²¹ Gu kanji, nde Kraisan kamenj mbararagim, mba buna guarenj Kraisan ki. Mbe nen nde khivav nde suanji. Maan muunjiap, gu kanji, mbe ndava vura tivi zin ngir zav, nde khivav, nde suanji fhuvara. ²² Nde fhum, nde vhora ndavi vuri tivi zin vuim, nta nde guiguigim, nde tivi mbatigir muun zav ndavi khavi. Mba tivi, nta guma ndiga mbarigirga tuavar vui. Nde ntigem, mba tivi vuri, nde nta vharari. ²³ Nde ntigem, nde ndikndigi nkaa zin ngiri. ²⁴ Nde tivir nkaa zin vui gumgi gu mbigi kiri. Nde Fhe Bakime nde muunji, nde tivir nkaa zin ngiri. Nde Fhe Bakimera farar muunjiap kiri. Ne khanj muunji, nden tivi guigira nzerara kirim, nde ngaravra kiri.

²⁵ Maan muunjiap, nde guiguigi tivi thari. Nde buni guarira mba guigira Zisas khotigi gumgi gu mbigi ga suanji. Ne khanj muunji, nza zam Kraisa ntiri ma, nza Ndia bavira nza tegi. ²⁶ Nde maan muunjiap ndavi shiv, nde tuituigira wari ganiri. Nde tiva mbatiga thuenj muunji thari. Nde bigin thuenj suanj ndav shigip, mba ndav shiri

4:18 FG 26.18; Ga 4.8; Ef 2.12; 1 Te 4.5 **4:19** Kor 3.5 **4:22** Ro 6.6; 8.13; Ef 2.2-3; 4.17; Kor 3.9; Hi 12.1; 1 Pi 4.3 **4:23** Ro 12.2; Kor 3.10 **4:24** Stt 1.26; Ro 6.4; Ef 2.10; Kor 3.10 **4:25** Sek 8.16; Ro 12.5; Kor 3.8-9 **4:26** Sng 4.4; Ze 1.19-20

mbara muungip kirim, ra ngiriv vhiizi thari. ²⁷ Nde Satan ga suanyv thima fhiri thari. ²⁸ Mba kii gumgi, mbe wom kimi thari. Zakira fhuvara! Mbe ntigem wari won harira ngariri. Mbe wari won harira naarir vhuuin muunri. Mbe wari wo harira ngariv, bigi tuktigip, maan muungip bigi sosuagi gumgir kurkurarga. ²⁹ Nde fhura mbarkirga buni mbatigi, nde wari won kaathoorin nta suan thari. Fhuvara. Buni vhuuinra nde kaathoorin kegip hiv, guigira Zisas kothigi ndikndik havhargi fhuv gumgir kurkurav, mbe havharirga. Mba khesharigi buni, nta Fhe Bakimen kora muumbara ndiga zim, gumgi gu mbigi ana mbararagi. ³⁰ Nde ndava simtigar Fhe Bakimen Nina Naarar niin thari. Fhe Bakime nden won mbuiav, won Nina Naarar nde niingim, ana nden vhen ki. Ana Nina Naar nden vhen ki, ne khaan muungi, nde ana gumgi gu mbigi ma. Ana nen nde khivir zav, ana tuga sarigi. Ana mba tugar nde ndigip, nden muungirim, nde guigira bikbigirga. ³¹ Nde harigi gumgi ga nzuav ndavi mbarigi tivi, panan ki tivi, nde za nta vharari. Nde vhira vhegi tivi, ndav shi tivi, kama saan ndiav tuara huri tivi, harigi gumgi nzii tivi, nde mba khesharigi tivi mbatigi, nde za nta vharari. ³² Nde guigira Zisas kothigi gumgi gu mbigi nde tivir vhuuin mben muunv, wari won ndavir mben niinri. Fhe Bakime mbara muungiap Kraisan zin panan, ana nde muungi tivi mbatigi,

4:27 2 Ko 2.10-11; Ze 4.7; 1 Pi 5.9 **4:28** 1 Te 4.11; 2 Te 3.8; 3.11-12

4:29 Ef 5.4; Kor 3.8; 3.16; 4.6; 1 Te 5.11 **4:30** Ais 63.10; Ro 8.23; Ef 1.13-14; 1 Te 5.19 **4:31** Kor 3.8; 3.18-19; Ta 3.2-3; 1 Pi 2.1 **4:32**

Mt 6.14; 18.22-35; Mk 11.25; 2 Ko 2.10; Kor 3.13

ana nta vhezgiap nta ndikndik nangi. Nde mbara muungip, mbe nde muungi tivi mbatigi, nde vhira nta ndikndik nangiri.

5

Nza vhava njaarar rurga.

¹ Fhe Bakime guigira won ndavar nde ningim, nde ana tari ki. Maan muungiap, nde ana mbui tivi zin ngiri. ² Nde guigira wari won ndavir harigi ntiri ga ndii tivi zin ngip, wari ruri. Krai, ana guigira won ndavara nza ningiap won tuma fekingiap nzan kurigi. Nde mba tiva zin ngiri. Ana won tuma fekingiap Fhe Bakime nzuav ndigar vhuun hi ofa mbui fara muungi ofa muungi.

³ Nde fhura ruarir ferferiv, ruarir mbigi gu gumgi wari kimiv, wari ndi thari. Nde vhira mbarkirga tivi mbatigir muun thari. Nde vhira harigi gumgi bigi niihi thari. Mba kir Fhe Bakime segi gumgi gu mbigi, mbe mba khesharigi tiva thane ganirim, ne nden rigar ki thari. ⁴ Nde buni mbatigi suanv, ndikndik ki fhuv buni suan, ngiza buni mbatigi suan thari. Nza mba khesharigi buni, nza nta suanga tuktigi fhuvara. Zakira fhuvara! Nde Fhe Bakimera phorgiv suanv anan ndikndigiri. ⁵ Nde tuituigip khuen kangiri, mba ruarir fhura ferferav, gumgi gu mbigi ruarir wari kiv wari ndi tiva mbuav, tivi mbatigi ga mbuav,

5:1 Mt 5.48; Ru 6.36 **5:2** Kis 29.18; Wkp 1.9; Sng 40.6; Zo 13.34; Ro 14.15; 2 Ko 2.15; Ga 2.20; Hi 7.27; 10.10; 1 Zo 3.11; 3.23 **5:3** Ro 6.13; 1 Ko 5.1; 2 Ko 12.21; Kor 3.5; 1 Te 4.3 **5:4** Mt 12.35; Ro 1.28; Ef 4.29 **5:5** 1 Ko 6.9-10; Ga 5.19-21; Kor 3.5

mba bigi garav, nta niihi gumgi gu mbigi, mbe Krais gu Fhe Bakime piin kirga ntiri phorgip kegirga tukitigi fhuvara. Mba bigi niihi tiv, ana tori gu mbarivi rotu ga mbui tiva fara muunggi.

⁶ Nde tuituigira wari ganiri. Nde fhura mba shishigi buni khini nzuai gumgi ganirim, mbe nde ngi thari. Mba khesharigi tivira, Fhe Bakime mba ana buni daasui gumgi gu mbigi, ana mbe nzuav ndav shi. ⁷ Maan muungiap, nde khurkhur mba khesharigi gumgi gu mbigi khuma thari. ⁸ Nde fhum mba tivi mbatigi ginginan kegi. Nde ntigem, Guma Bakime nde ndiv vhava njaara fegi. Maan muungiap, nde vhava njaara rui fara muunggi gumgi gu mbigi ruri. ⁹ Vhavar njaara, ana mbarkirga tivir vhuuini ndi hian rigi. Ana nzerara ki tivi gum buni guari ndi hian rigi. ¹⁰ Nde guigira khan tigip havhargip Guma Bakime vuzvugi tivi kanjir sanv nta suanjv njariri. ¹¹ Nde ginginan ki tivi ga mbui gumgi, nde khurkhuman mbe khumu thari. Mba khesharigi tivi, nta mban vhuuini ti fhuvara. Zakira fhuvara! Nde khuen gumgi gu mbigi khiviri. Mba khesharigi tivi, nta tivi mbatigi ma. ¹² Nza zomzora mbui tivi, ga suangen thari. Nza mba bigi ga suangen mbergi. ¹³ Mba vhava njaara, ana za mba tivi mbatigi niinge ndi kira suim, nta za hiinra ki. ¹⁴ Mba vhava njaara, ana bigin the ndi kira khingirga, mba bigin vhava njaara farar muungip kirga. Maan muungiap, mba kamen ki,

5:6 Ro 1.18; Kor 2.4; 2.8; 2 Te 2.3 **5:8** Zo 12.36; FG 26.18; Ro 1.21; 2 Ko 3.18; Ef 2.11-13; Kor 1.13; 1 Pi 2.9; 1 Zo 2.9 **5:9** Ga 5.22
5:10 Ro 12.2; Fi 1.10; 1 Te 5.21; 1 T 2.3 **5:11** Ro 6.21; 1 Ko 5.9-11; Ga 6.8; 2 Te 3.6; 3.14; 2 Zo 1.10-11 **5:13** Ais 26.19; 60.1; Zo 3.20-21; Ro 13.11; Hi 4.13

“Ndu ntigem kui guma, ndu khavgiri.
Ndu mbok thav khavgirim, Krai ndun
muunḡirim, ndu vhava ḡaarar kirga.”

¹⁵ Maan muunḡiap, nde tuituigip wari wo rui ruru tiv gu bigi ganiri. Nde ndikndik ki fhuv gumgi rui rurur muun thari. Fhuvara. Nde ndikndigi vhuunḡ ki gumgi rui rurur muunri. ¹⁶ Nde ntigem Fhe Bakimen tivir muunga tuk ki, nde tivir vhuun muunri. Nde ntigem khar ki tuk, ana tuga mbatik ma. Maan muunḡiap, nde tuituigip wari ganiri. Nde fhura kiv, fhura mba tuga vhez thari. ¹⁷ Nde ndikndik ki fhuv gumgi gu mbigi mbui tivir muun thari. Fhuvara. Nde Guma Bakime vuzvugi tivi, nde nta kanḡiri.

¹⁸ Nde pharar ḡanḡanin mbiv ḡanḡani thari. Fhuvara. Mba khesharigi tiv, ana nden farfagi. Nde fhura Fhe Bakimen Nina Naara ganirim, ana nde ganiv guigira nden ndavi vherir, kiri. ¹⁹ Nde guigira Zisas kothigi gumgi gu mbigi, nde wari phorgip buni suanv, nde Ngavi Ki Gavar ḡgavi, gum rotu mbui ḡgavi, gu Fhe Bakimen Nina Naar nde ndavi khavav nde ndii ḡgavi, nde mba ḡgavir wari won buni phorgip mbe suanri. Nde vaira Guma Bakime suanv, nde wari wo kaathoori gum wari won ndavi vherir ana zi ndi vun kuamkuav, ana suanv ḡgavir muunri. ²⁰ Nde maan muunv, nde zazera Zisas Kraisan zin panan, nde za mba

5:16 Ga 6.10; Kor 4.5 **5:17** Ro 12.2; Kor 1.9; 1 Te 4.3; 5.18 **5:18** Snd 20.1; Ais 5.11; 5.22; Ru 21.34 **5:19** Sng 33.2-3; FG 16.25; 1 Ko 14.26 **5:19** Kor 3.16-17 **5:20** Sng 34.1; Ais 63.7; Hi 13.15; 1 Pi 2.5

bigi ga suanv Fhe Bakime phorgip suanv anan ndikndigiri.

Por mani gu mburi ga nzuai.

²¹ Nde Krai, nde Bakime ki ne ndikndigip, nde bevbevira, nde guigira Zisas kothigi gumgi gu mbigi piin kiri.

²² Nde mbigi, nde Guma Bakime piin ki tivara, nde wari won mani piin kiri. ²³ Ne khañ muñgi, guma ana won muun pan ma. Krai mba tivara muñgi, Krai, ana siosan pan ma. Guma won khariga vuzvugi tivara, Krai won siosa vuzvugi. Krai ana taagiap ana ndigap, ana tuituigira ana gari. ²⁴ Sios ana Kraisan piin ki. Mba tivara nde mbigi, nde vhira, nde za kha bigi, nde wari won manin piin kiri.

²⁵ Nde gumgi, nde guigira wari won ndavir wari won muun niñgiri. Krai mba tivara muñgi, Krai ana guigira won ndavar sios ga niñgiap, ana won tuma fekhingiap siosan kurigi. ²⁶ Ana wo suangi kamen zin vugap, ana mbin sios ruagim, sios Fhe Bakime niman ngarigi. Ana mba tiva muñgiap, ana siosan wora mbuigi. ²⁷ Ana siosan muñgirim, ana guigira ana rimani, niman vhergir zav mbui. Ana ana rimani niman nzañzangip, mbekmbegip, vharvhari kirga fhu. Zakira fhuvara! Sios ana ngaravra kiv, ana simtik kirga fhu. ²⁸ Mba tivara, nde gumgi, nde guigira wari won ndavir wari won muun niñgiri. Nde

5:21 Fi 2.3; 1 Pi 5.5 **5:22** Stt 3.16; Ef 6.5; Kor 3.18; 1 Pi 3.1 **5:23**
 1 Ko 11.3; Ef 1.22-23; Kor 1.18 **5:25** Ga 1.4; Kor 3.19; 1 Pi 3.7
5:26 Zo 15.3; 17.17; Ta 3.5; Hi 10.10; 10.22; 1 Zo 5.6 **5:27** 2 Ko
 11.2; Ef 1.4; Kor 1.22

ndavir warira ndii tivara, nde mba tivara, nde mben muunri. Guma, ana guigira ndavar won muun ndii, ana taagia guigira ndavar wora ndii. ²⁹ Nza khuenj kangi, guma the taagiap panan wora kegirga tuktigi fhuvara. Zakira fhuvara! Ana tuituigira won fhava garav, mban ana ndii. Krai ana mba tivara sios ga mbui. ³⁰ Ne khan muungi, nza Kraisan kharigar figiveinj ma. Nza anan suira gu hari gum ana rimgi ma. ³¹ Fhe Bakime buni vhuinj ki gap khan nzuai, “Maan muungiap, guma ana won niamuun gu ndia thav, ana won muun phorgi, mani wani tigap guma bavira ki.” ³² Kha zorgi kamej, ne guigira ndikndik bakime nen vhen ki. Gu nduara kha ndikndiga mbui, mba kamej, ne Krai gum ana sios ga nzuai. ³³ Kha kamej ne vhira nde gumgi gu mbigi nde nzuai. Nde gumgi bevbevira, nde ndavar warira ndii tivara, nde guigira wari won ndavir wari won muuin niinjiri. Nde mbigi, nde guigira wari won ndavir wari won manin niinjv, mbe piin kiv, tivir vhuinjra mben muunri.

6

Por tari gum ndegi gu ndegmbori ga nzuai.

¹ Nde tari, nde wari won ndegi gu ndegmbori nzuai buni mbararav, nta zin ngiri. Nde za Guma Bakime phorgi, mba tiv, ana nde muunga tivar vhuun ma. ² Fhe Bakime buni vhuinj ki gap khan nzuai, “Nde wari won ndegi gu ndegmbori piin

5:30 Ro 12.5; 1 Ko 6.15; 12.27; Ef 1.22-23 **5:31** Stt 2.24; Mt 19.5; Mk 10.7-8; 1 Ko 6.16 **5:32** Kor 3.19; 1 Pi 3.6; VB 19.7 **6:1** Snd 23.22; Kor 3.20 **6:2** Mt 15.4 **6:2** Kis 20.12; Lo 5.16

kiv, mbe nzuai buni mbararav nta zin ngiri.” Kha tiven ne fharigi tiven Fhe Bakime suanji kamen nen ki. ³ Fhe Bakime mba suanji kamen khan nzuai, “Nde maan muunga, nden kiri tivi gu bigi nzerarga. Nde tugar mpeenra kha nuianan kirga.”

⁴ Nde ndegi, nde fhura wari won tarir muunrim, mbe nde suanjv ndavi shi thari. Fhuvara. Nde Guma Bakime niman, nde khan tigip tivir vhuunra mbe khivirim, mbe nta zin ngiri. Nde vhira, Guma Bakimen buni vhuuin mbe khiviri.

Por naara gumgi gum mbe gari mpiinsigi ga nzuai.

⁵ Nde fhura naara gumgi ki gumgi, nde wari wo gari mpiinsigi piin kiri. Nde guigira mben piin kiv, zazera mbe buni zin ngip, mbe guiguigi thari. Nde Krai naara mbuav mbui tivara muunri. ⁶ Nde mbe gansaman mbe raan shi tivar muunv, mba naarar vhuun muun thari. Fhuvara. Nde mba naarar muunv nde fhura Krai naara gumgi ki tivara muunv, nde guigira wari won ndavir Fhe Bakime niingip, nde vhira Fhe Bakimen vuzvuga zin ngiri.

⁷ Nden ndavi nzerara kiv, mba naarar muunri. Nde guma khinan naara mbui ne ndikndigi thari. Fhuvara. Nde Guma Bakimen naarara mbui.

⁸ Nde ndikndigi. Maan muungip, guma the naara vhuunra mbui, Guma Bakime vheza vhuunra anan niinga. Mba guma, ana naara khina mbui guma o, ana bikbiigiap kav ngari guma, ana vheza vhuunra anan niinga.

6:4 Lo 4.9; 6.7; 6.20-25; Sng 78.4; Snd 19.18; 22.6; Kor 3.21 **6:5**
 2 Ko 7.15; Fi 2.12; Ta 2.9-10; 1 Pi 2.18 **6:5** Kor 3.22-25 **6:8** 2
 Ko 5.10; Ga 3.28; Kor 3.11

⁹ Nde mbe gari mpiinṣigi, nde vḥira tivir vhu-
uira mba nden ṅgari ṅaari gumgir khinin muunri.
Nde fhura ririvar mbe ndii tivi, nde nta kuegiri.
Nde khueṅ kaṅgiri, kha Hevenan ki Guma Bakime,
ana nde Guma Bakime gum, ana vḥira mben
Guma Bakime ma. Ana tiva bavira zin vov, za kha
gumgi gu mbigi mbui tivi ga nzuav, mbe garav
mbe nzuai.

*Guigira Zisas kothigi gumgi gu mbigi, mbe
ntari ga mbui giti tiva fara muunḡiap wari ki.*

¹⁰ Gu ntigem khaṅ muunḡi tigip wo buni vḥizi
zav mbui. Nde Guma Bakime phorgi. Nde
ana ṅkasṅka bakime panan, nde thigi havhargiri.
¹¹ Nde Fhe Bakime ntarir muun zav nde niṅgi bigi,
nde zam nta shargiri. Nde maanḡ muunḡirga, nde
thigi havhargip, mba Satan zomzorav, nde guigu-
ḡiap, nden muun za mbui tivi, nde nta daanḡi
mbur khingirga. ¹² Nde tuituigira ndikndigiri. Nza
gumgi gu mbigi phorga shogi fhuvara. Zakira
fhuvara! Nza ṅiniṅi ṅkasṅkagi phorga shogav, kha
nuianan ṅiniṅir pani phorga shogav, mbarkirga
ṅkasṅkagi ki bigi phorga shogi. Nta ntigem kha
tuga ginginan kav, kha nuiana gari. Nza vḥira
kha vun ki ṅiniṅi mbatigi phorga shogi. ¹³ Maanḡ
muunḡiap, nde Fhe Bakime ntarir muun zav nde
niṅgi bigi, nde za nta ndigip, nta shargiri. Nde za
maanḡ muunḡip, mba tuga mbatik nden hi tugen,
nde nta shargip thigi havhargip shogirga. Maanḡ

6:9 Lo 10.17; Ro 2.11; Kor 3.25; 4.1 **6:10** 1 Ko 16.13; Ef 1.19; 3.16;
Kor 1.11 **6:11** Ro 13.12; 2 Ko 6.7; 10.4; Ef 4.14; 1 Te 5.8 **6:12**
Zo 12.31; 14.30; Ro 8.38; 1 Ko 15.50; Kor 2.15; 1 Pi 5.8-9 **6:13** 2 Ko
10.4; Ef 5.16

muungip mba ntar vhezgirga, nde mba ntara kambarigi, nde mbara muungip thigi havhargip kirga.

¹⁴ Nde thigi havhargiap Fhe Bakime bun nzuai buni guari, nde rikavar wari won vhaari ga rigi farar muungip, ntan wari won vhaari rigiri. Nde tivir vhuuñ zin vui tiv, ana siot kapa fara muungip, nde ana shararim, ana nde fheenphugive vharari. ¹⁵ Nde maan muungip, wari thithim tigip, nde Fhe Bakime kha gumgi gu mbigi phorgip ndava bavira kirga buna vhuueñ bun mbe suañri. Mba tiv, nde ntari ga mbui ñkari sharive shari farar muungip mba tiva suirari. ¹⁶ Nde za kha ntara bigi ndigip, nde vhira zazera guigira Zisas kothigi tiv, nde ana suirari. Nde rama farar muungip ana suira havhargiri. Nde maan muungip, nde mba guma mbatik Satan, nde ana vhava khigap si fugi, nde nta shogi nta phiri suegirga. ¹⁷ Nde Fhe Bakime taagiap nde ndigi, ne ndikndigiri. Mba ndikndik, nde bina vhuigim, nde kapa khorar fagi farar muungip, ana fari. Nde anan fav, nde Fhe Bakimen Nina Naarar kos suirari. Ana Fhe Bakimen buna guareñ ma. ¹⁸ Nde Fhe Bakimen Nina Naarar ñkasñkar panan, nde zazera Fhe Bakime phorgi suañri. Nde mbarkirga bunin Fhe Bakime phorgip suañv, anan nzañrim, ana nden kurkurari. Nde vhira zazera wari ganiri. Nde vhuksu thari. Nde zazera Fhe Bakime phorgip suañv, za mba guigira Zisas kothigi

6:14 Ais 11.5; 59.17; 2 Ko 6.7; 1 Te 5.8 **6:15** Ais 40.9; 52.7; Nah 1.15; Ro 10.15 **6:16** 1 Zo 5.4 **6:17** Ais 49.2; 59.17; 1 Te 5.8; Hi 4.12; VB 19.15 **6:18** Mt 26.41; Ru 18.1; Ro 12.12; Kor 4.2; 1 Te 5.17; 1 T 2.1

gumgi gu mbigir kurkurar saŋv, ana nzaŋri. ¹⁹ Nde vɥira nan kurkurar saŋv Fhe Bakime phorgip suaŋv ana nzaŋri. Gu khuenj vuzvugi, nde khaŋ muunġi tiġip Fhe Bakime phorgip suaŋri. Gu ana buna vhuueŋ bun suan saŋv muuŋrim, Fhe Bakime wo buna vhuuen na kamthooŋ kħingirim, gu rivi thav, guigira thiġi havhargip ana zorga ki buna vhuuen niŋge ne bun suanga. ²⁰ Fhe Bakime nduara na sarigim, gu mba buna vhuueŋ bun suan zav vugi. Gu mba buna niŋeŋra nzuav gu binan ki. Gu Fhe Bakimen buna vhuueŋ bun suanga ŋaar ki. Maan muunġip, nde Fhe Bakime phorgip suaŋrim, ana na havhargirim, gu rivi thav, khaŋ tiġip havhargip, gumgi gu mbigip phorgip suanga.

Por tivar vhuun mben muun zav Fhe Bakime nzuai.

²¹ Tikikus, gu muunġi ŋaari gum nan kiri tivi, ana za nta bun nde suanga. Tikikus, nza guigira ana vuzvugi. Ana nza phorgap guigira Zisas kħothiġi guma ma. Ana vɥira Guma Bakimen ŋaara guman vhuuŋ ma. ²² Gu ana sarigim, ana mba bigeŋra nzuav, ana nden han mbar vui. Ana ŋġip, gu ki kiri tiva bun nde suanga, nde gu ki kiri tivi kaŋġip, nde wari won ndavi havhargira.

²³ Nde na phorgap guigira Zisas kħothiġi gumgi gu mbigip, nza Ndia Fhe Bakime gum nza Bakime Zisas Krai, mani ndava miitigar nden niŋrim, nde khaŋ tiġip havhargip guigira Zisas kħothiġip, guigira wari won ndavir warir niŋga. ²⁴ Fhe Bakime

6:19 FG 4.29; 2 Ko 3.12; Kor 4.3-4; 2 Te 3.1 **6:20** 2 Ko 5.20; Fi 1.20; Fm 1.9-10 **6:21** FG 20.4; Kor 4.7-8; 2 T 4.12; Ta 3.12 **6:21** Kor 4.7-8 **6:24** 1 Pi 1.8

kora muumbar za mba guigira wari won ndavir nza wo Guma Bakime Zisas Krai ga ndii gumgi gu mbigi phorga ki. Mbe guigira wari won ndavir Zisas ga ndiii tiv, ana vhezgira tuktigi fhuvara.

Fhe Bakimen Kaman Kamen Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 21 Feb 2024 from source files dated 29 Jan 2022

bfb792d-a7df-5425-8e30-1e4968f04468